

العقيدة الطحاوية 43 - أشعة لا إله إلا الله

محمد حسين يعقوب

اعوذ بالله من الشيطان الرجيم. بسم الله الرحمن الرحيم الحمد لله رب العالمين والصلوة والسلام على اشرف المرسلين سيدنا محمد وعلى الله وصحابه اجمعين. اما بعد فاخوتي في الله انا احبتكم في الله - 00:00:00

واسأل الله جل جلاله ان يجمعنا بهذا الحب في ظل عرشه يوم لا ظل الا ظله. اللهم اجعل عملنا كله صالحًا واجعله لوجهك خالصا. ولا تجعل فيه غيرك شيئاً. احبتي في الله آآ ما زلنا في قضية القلب ونوره - 00:00:14

اللهم نور قلوبنا بالایمان يقول ابن القيم عليه رحمة الله عليه رحمات الله وبركاته يقول اعلم ان اشعة لا الله الا الله تبدد من ضباب الذنوب وغيومها بقدر قوة ذلك الشعاع وضعفه - 00:00:32

الكلام ده من اه من المدارج اظنه في منزلة التوبة صلي على الرسول صلي الله عليه وسلم واسمع الكلام انا عايز اقول لك الكلام على بعضه عشان تركز ويحرك قلبك اللي التعبان ده - 00:01:01

وبعدين نشرح صلي على الرسول صلي الله عليه وسلم. ما لكمش سامع الصلاة على النبي ليه؟ اه فوق كده يا عمي ايوه اعلم ان اشعة لا الله الا الله - 00:01:25

تبعد من ضباب الذنوب وغيومها بقدر قوة ذلك الشعاع وضعفه فلها نور فلها ايه هي ايه؟ قولوا معي. لا الله الا الله. عشان تأخذ لك حستتين قل لا الله الا الله - 00:01:43

فلها نور اللي هي ايه لا الله الا الله لها نور وتفاوت اهلها في ذلك النور قوة وضعفه لا يحصيه الا الله فمن الناس ما النور هزه الكلمة؟ ايه هي الكلمة - 00:02:07

لا الله الا الله. فمن الناس ما النور هذه الكلمة في قلبه كالشمس ومنهم من نورها في قلبه كالكلوكب الدري ومنهم من نورها في قلبه كالمشعل العظيم ومنهم من نورها في قلبه كالسراج المضيء. واخر كالسراج الضعيف - 00:02:30

ولهذا تظهر الانوار يوم القيمة بایمانهم وبين ايديهم على هذا المقدار بحسب ما في قلوبهم من نور هذه الكلمة علما وعملا ومعرفة وحالا وكلما عظم نور هذه الكلمة واشتد احرق - 00:03:00

من الشبهات والشهوات بحسب قوته وشدة حتى ان هذا النور ربما وصل عند بعض الناس الى حال لا يصادف معها شبهة ولا شهوة ولا زنباء الا احرقه الله كلام زي الفل - 00:03:27

صح ولا واضح ولا ترجم واضح اترجم حاضر يا بشمهندس ادفع لهم صل على النبي محمد واله وسلم تسليماً كثيرة يقول الشيخ عليه رحمة الله كلام ابن القيم في المدارج - 00:04:03

اعلم ان اشعة لا الله الا الله تبدد من ضباب الذنوب وغيومها بقدر قوة ذلك الشعاع وضعفه شبه لك لا الله الا الله ان لها الشعاع لها اشعة مش هي الشمس نفسها - 00:04:30

ده ايه اللي واصلك اشعتها عشان كده الشمس نفسها تحرق لكن الاشعة تنور اشعة لا الله الا الله تبدد الضباب بقدر قوة ذلك الشعاع وضعفه يا ترى لا الله الا الله في قلبك - 00:04:57

الدين قوتها قد ايه يقول وتفاوت اهلها في ذلك النور لا يحصيه الا الله يا جماعة الجنة كم درجة في الحديث خمسمئة درجة الجنة كم خمسمائة درجة بين كل درجة ودرجة مسيرة - 00:05:26

خمسمائة عام يبقى الفرق بين اقل واحد في الجنة واعلى واحد في الجنة اضرب خمسمية ها في خمسمية يطلعوا كم سنة اضرب في

تلتمية خمسة وستين يطلعوا كم يوم اضرب في الف وان يوما عند ربك كايه - 00:05:52

كاف سنة يطلع الفرق بين اقل واحد واعلى واحد. رقم ما ايه ما يتكتبش خمسمية في خمسمية في تلتمية خمسة وستين في الف رقم ما يتكتبش ما يتقربيش عشان كده قال لك لا يحصيهها - 00:06:15

الا الله. الفرق بين اقل واحد ها واقعة على لما يبقى واحد في ادنى درجة في الجنة وواحد في الفردوس الاعلى بينهم لا يحصيه الا الله عشان كده سيدك النبي ما تصلي عليه صلى الله عليه وسلم قال ان اهل الجنة - 00:06:34

يتراءون اهل الغرف كما تتراءون الكوكب الدرى الغابر في السماء يعني ممكن يبقى حد في الجنة مش في النار؟ ده فين في الجنة ويقول بص القصر اللي اللي هناك ده - 00:06:52

اهو ده بتاع سيدنا ابو بكر زى ما بتشارو كده على نجمة اهو ده بتاع سيدنا ابو بكر اللهم ارزقنا الجنة يا رب واحنا ببساطة كده نسأل الله ان يرزقنا الفردوس الاعلى من الجنة - 00:07:11

طيب شكرنا كده بالراحة الفردوس الاعلى من الجنة. وانت نايم وانت مزنب وانت خاطئ كتت عاصي وانت غافل ارزقنا بيلاش هي لعبة التفاوت ده على قد التفاوت ده زى ما قلناها قبل كده - 00:07:31

قلنا لان نذلف من باب الجنة فحسب فنكون في منازلها الواطئة هو فوز عزيز. في حد ذاته فوز عزيز. اللهم قنا نجنا من النار وادخلنا الجنة يعني كون الواحد بس ينجو من النار فمن زحزح عن النار وايه - 00:07:59

وادخل الجنة فقد فاز. ده فوز عظيم انك انت بس ايه تعدى من جهنم وتدخل الجنة حتى لو في وراء الباب ده فوز عظيم لكن الطمع والطمع فيما عند الله طمع لذيد - 00:08:19

اللهم لا تخيب فيك رجائنا الطمع البشري يجعلنا نطبع ان نكون يعني صراحة زعلت دلوقتي خفت تألمت في قلبي عصرة كده لان انا في يوم من الايام اشاور على سيدنا ابو بكر كده - 00:08:38

لا ده انا نفسى ابقي معه كده. اه الله! مش كفاية الحسرة اللي احنا فيها في الدنيا شاييفين آآ زعيبط ومعيط ومحطات الحيط هتبقى في الاخرة كمان لأ ده انا عايز في الجنة ابقي فين بقى - 00:08:55

اه ابقي عايز اخد لي كام فدان بين سيدنا ابو بكر وبين سيدنا عمر في الوسط اه وهم معديين كده رايحين للنبي يعودوا علي الاول انا املي كده عشمى في ربنا كده. نفسى في كده ما ارضاش بغير كده - 00:09:13

ما ينفعش غير كده على على النك اللي احنا فيه فمحتجين كده لكن لكل سلعة ايه لكل سلعة سمن ما هو ما ينفعش تقول للبسمهندس انا عايز عربية جامدة وجديدة وعلى الزير ونظيفة وآآ سي سي بتاعها عالي وو - 00:09:34

رخيصة لأ ازا كت هتشرط يبقى احنا كمان مش شرط ما هو انت ازا قلت برضو عايز عروسة حلوة ومؤهل عالي وبنت ناس يقولوا لك شبكة ومهر وشقة صح ولا لا - 00:10:00

لكل سلعة كل سلعة ثمن كل حاجة بتمتها فلذلك اللي عايز الفردوس الاعلى فازا اردت المنازل العلى في الجنة لابد ان تكون في الدرجات العلى في العمل هي دي بقى اشعة ايه - 00:10:17

لا والله قدر النور ده قد ايه في قلبك. على قدر النور ده هتبقى درجتك نور هزه الكلمة في قلوب بعض الناس كالشمس بالله عليك لما يبقى - 00:10:35

واحد النور في قلبه ايه ها زي الشمس شبهة ايه بقى شبهة ايه اللي تعرض له شهوة ايه اللي شهوة ايه يا جماعة؟ شهوة ايه شيخي الله يرحمه رحمة واسعة - 00:10:57

من افضل الناس اللي الواحد شافهم في حياته تتجاوز عمره حاجة واربعين سنة كم متفرغ لطلب العلم والعبادة والدعوة ونسى يتتجاوز لما بقى عمره حاجة واربعين سنة قال ايه ده يا جماعة؟ ده انا نفسى اتجوز والله. الواحد ما ينفعش يقابل ربنا وهو عازب - 00:11:22

ما اتجوزوني بقى فجوزوه وكان امام مسجد كانوا في السعودية وكان امام مسجد فالله قال لي اصلی بقى بالناس اليومين دول

حاضر رحت صلي الفجر وانا عامل نفسي حسابي اصلی امام الشيخ متوجز الليلة دي ليلة الدخلة - 00:11:41

فتلاقيه يصلي في المسجد اللي تحت البيت لأن كان في مشوار لحد المسجد ففوجئت به بيصلني معنا وهو اللي صلي امامي يعني ايه يا شيخنا ايه اللي جابك فبكى قال والله لقد ذقنا من كل ملذات الدنيا - 00:12:01

فلم نرى فيها شيئاً وهزه شهوة النكاح ما بقى الا ان اموت شهيداً في سبيل الله قال لك احنا دوقنا احل اكل واحلى شرب واحلى لبس واحلى فسح وكل حاجة - 00:12:25

وادي النكاح اللي كانت ناقصة ولا حاجة هي دي بقى اصحاب الهمم العالية احسن الشباب عاملينها مشكلة بدأوا يقلقوها اهم عاملينها مشكلة مشكلة الجواز ولا واسألاوا اللي اتجوزوا. ها ولا حاجة - 00:12:45

اسألوا الناس اللي لموا ملايين بعد ما لموا الملايين ايه الفلوس ولا لها لازمة. بقى اللي وصلوا للمناصب والشهرة والمجد زي ما بيزعموا يعني ها ولا لها لازمة. ايه اللي له لازمة في الدنيا دي - 00:13:07

رضا ربنا بس انه ببقى راضي وانك انت تبقى راضي وانتهت القضية فلذلك اصحاب لا الله الا الله لما يبقى الدنيا منورة بيشوف النسوان دي في النور بقى مش في الضلعة - 00:13:27

ففي النور تبقى الدنيا ببقى شياطين شياطين بيشوف في ساعتها العرييات دي في النور بالنور بقى بنور لا الله الا الله تبقى العربية دي ايه؟ دي صفيح مش قلت لكم قصة واحد - 00:13:47

زمان بقى كان من اصحابنا زمان ها وراح اشتري عربية ساعتها كانت بمية وثمانين الف تقريباً كان مية وثمانين الف دولت برضه حاجة كده كبيرة زي الملايين دلوقتي كده. ها؟ عربية - 00:14:04

مرسيديس لسه واخر موديل وبعددين احنا راكبيه وكنا مسافرين كده فالهم حصل مش عارف ايه قدامه فجهه يقف ما وقفتشي فكان هيلبس في في حاجة قدامه حاجة كبيرة يعني كان هيموت - 00:14:14

فنزل يخبط على العربية. ايه ده ما تعملني حاجة. انت هتموتينا! امال دافع مية وثمانين الف ليه هو مش هو شايف المية وثمانين مش شايف ان دي ايه اللي شافها حقيقي بقى بيشوف ان دي ايه - 00:14:28

صاج صفيح دي ايه دي ملهاش قيمة دي ما لهاش قيمة الشاهد يا اخوه كلما كان توحيدك اعظم ونور لا الله في قلبك اتم بتشوف الاشياء على حقيقتها. مش قلت لكم دعاء ابن الجوزي - 00:14:50

اللهم ارنا الاشياء ايه؟ اللهم ارنا الاشياء كما هي. اللهم ارنا الاشياء ايه كما هي انك تبص حاجة تشووفها على حقيقتها هي دي وجعلنا له ايه نوراً ها يمشي به في الناس - 00:15:12

يشوف الاشعة اهي يشوف البشر على حقيقتهم بقى ويشوف العرييات على حقيقتها ويشوف الفلوس على حقيقتها وشوف الشهوات على حقيقتها زي ما ابن القيم بيقول لك هنا يصل الى حال لا يصادم - 00:15:31

في شبهة ولا شهوة الا احرقها ما فيش نور لا الله الا الله كالجبل كالشمس كالمشعل العظيم كالسراج الضعيف وكل مكان نور لا الله الا الله اقوى كل ما شفت الاشياء ايه - 00:15:44

على حقيقتها تبان بقى تبان العيوب تبان الافات اللي تزهدك فيها كلما عظم نور هذه الكلمة واشتد احرق من الشبهات والشهوات زي ما بقول لك كده الشبهات ايه اللي تعرض - 00:16:11

لما هييجي حد يكلمك عن شبهة في حلق اللحية يقول لك لا اصل ساعتها انت ما عندكش استعداد تسمع ولا عندك استعداد تقبل ليه اصل النور والراكب ان ده الحق - 00:16:32

مش قلت لكم قبل كده ان انا لو رحت دلوقتي عند واحد بتاع دهب وقلت له شوف لنا الشمبر ده دهب ولا مش دهب هيبيص له كده ويقول لي لا مش دهب - 00:16:52

تقول له طب مش دهب ليه بقول لك مش دهب طب مش دهب ليه مش دهب ليه يا عم مش دهب فالصو طب قل لي فهمني فهمني ده ده مش دهب ليه - 00:17:03

يقول لك ايه الله يكرمك امشي اه امش ما ينفعش افهمها. هو كده لما يبقى الانسان شايف الحياة. شايف الشبهات فالصو قال لنا خطبة اسمها فالصو ولا معملهاش؟ فاكر يا شيخ خالد ولا ما عملهاش دي - 00:17:18

اسمها فالصو فعلا تنصب بنقول ان الدنيا دي كل اللي انت شايفه ده ايه كل اللي انت شايفه ده فالصو الرجاله دي فالصو والنسوان فالصو والبيوت دي فالصو فالصو فعلا - 00:17:40

مش حقيقي حقيقي فين في الجنة في هتلالي رجاله حقيقي ستون ذراعا في السماء في عرض سبعة اذرع الرجال عرض اكتافه اربعة متر عشرين سنتي طوله اتنين واربعين متر - 00:17:58

رجاله بيقول لك اللي انت شايفه ده النهاردة ايه اه فلص فلص مش هم دول الرجاله حتى الاخلاق فالصو حتى الكلام فالصو النسوان اللي انت شايفهم دول فالصو مش مش دي نسوان - 00:18:26

ربنا سبحانه وتعالى يقول لك عن التائبين ايه؟ كأنهن الياقوتوا المرجان كانهن لؤلؤ مكنون لؤلؤ ياقوت مرجاه بيبض مكنون سبحان الله العظيم.انا انشأناهن انشاء الموضوع مختلف - 00:18:42

لما بقى ترزق نور لا الله الا الله تعرف تميز بين الایه فالصو من الاصل بيقى عينك على الاصل هناك مش قلت لكم الرجال التابعى ده لاما مر على واحد بتاع فاكهة فقد عبص لفاكهة كده ايه يا عم يلا فقال انظر الى هذه المقطوعة - 00:19:07

الممنوع اصل الفاكهة دي ايه مقطوعة ممنوعة مش هي دي الفاكهة اللي تبيع عشانها دينك الشاهد كلما عظم نور هذه الكلمة واشتدى احرق من الشبهات والشهوات بحسب قوته وشدته. حتى انه ربما وصل الى حال لا يصادف معها شبهة ولا شهوة - 00:19:31

ولا ذنبنا الا احرقه وهذا حال الصادق في توحيد الله ارزقنا الصدق واجعلنا من اهله هزا حال الایه الصادق في توحيده الذي لم يشرك بالله شيئا فاي ذنب او شهوة - 00:19:58

او شبهة دنت من هزا النور احرقها فسماء ايمانه قد حرست بالنجوم من كل سارق لحسناته الله مش بقول لكم كلام زي الفل بس منين اجيب ناس لمعناه الكلام مين يفهم الكلام ده - 00:20:19

فسماء ايمانه قد حرست بالنجوم شوف اه ربكم سبحانه وتعالى بيقول اه ولكن الله حب اليكم ها الایمان وايه وزينه في قلوبكم ابن القيم خد المعنى ده وقال لك ان الزينة دي اللي هي - 00:20:51

وزينا السماء الدنيا بمصابيح وحفظا وزينا السماء الدنيا بمصابيح وايه وحفظه. فسماء ايمانه قد حرست بالنجوم ربنا سبحانه وتعالى رزقه الایمان وزين له الایمان زينه بنجوم. النجوم دي نورها - 00:21:24

وايه؟ وحفظ الشيطان لو طلع يسمع يسترق السمع. النجوم دي تعمل ايه تحرقه تطارده فهو ده اللهم حب علينا الایمان وزينه في قلوبنا وكده الينا الكفر والفسوق والعصيان واجعلنا من الراشدين فضلا منك ونعمه وانت خير الرازقين. سماء ايمانه عالية - 00:21:50

بس هو صاحب الكلمة الطيبة اللي هي كلمة ايه لا الله الا الله ومثل الكلمة طيبة كشجرة طيبة اصلها ثابت وايه؟ وفرعها في السماء. بيقى السماء سما ايمانه السماء ايمانه عالية - 00:22:19

مش قلت لكم مرة ان في بعض الملتزمين بعض الاخوة بعض السنية سماء ايمانهم واطيء سقف التزامهم واطيء لها بعض الناس سقف التزام واطيء. آآ يمكن الناس اللي بيتعاملوا مع البنوك او بيعملوا شركات او بتوع التجارة يفهموا كده كلمة السقف - 00:22:39

في الائتمان السقف الائتماني منخفض يعني هو عامل مشروع اه مسلا بعشرين الف جنيه السقف ده منخفض جدا اي مصاريف ما اقدرها ما يكلملش اي عرض اي مناقصة اي في ناس كده سقف التزامهم واطيء - 00:23:02

هو التحي وبىصلني بس خلاص واطيء اما اللي سقف ايمانه عالي عالي تلاقيه قيام ليل يلا طلب علم يلا حفظ قرآن يلا حج اه عمرة اه دعوة اه عبادة اه - 00:23:27

سقف ايمانه عالي يحرز بقى يحرس بالنجوم النجوم دي منورة زي ما كده وزينا السماء الدنيا بمصابيح وحفظا زينة فسماء ايمانه قد حرست بالنجوم من كل سارق لحسناته فلا ينال منها السارق - 00:23:58

اً على غيره وغفلة فسماء ايمانه قد حرسـت بالنجوم من كل سارق لحسـناته فلا يـنال منها السارق الا على غـرـة وغـفـلة لا بد منها للبشر
لا بد منها ايـه عـال البـشـر اـحـنا بـشـر - 00:24:28

ما فيـش حد معصـوم لازـم فيه ذـنـوب لو لم تـذـنـبـوا لـذهب الله بـكـم كلـنا اـصـحـاب ذـنـوب وـمـعـاصـي اـصـحـاب سـيـنـات وـخـطـاـيا اـصـحـاب غـفـلة
زي ما ابن الـقيـم بيـقـول لاـبد من سـنة الغـفـلة - 00:24:50

ولـكنـ كـنـ خـفـيفـ النـوـمـ فـانـ حـارـاسـ الـبـلـدـ يـوقـظـونـ اـهـ لـازـمـ كلـ واحدـ بـتـطـرـأـ عـلـيـهـ سـاعـاتـ غـفـلةـ بـسـ خـلـيـ نـوـمـكـ ايـهـ خـلـيـ بالـكـ خـفـيفـ
عـشـانـ اـمـاـ حـدـ يـفـوقـ تـفـوقـ بـسـرـعـةـ صـحـصـحـ بـسـرـعـةـ - 00:25:05
تصـحـ بـسـرـعـةـ الشـاهـدـ ايـهـ؟ انـ النـجـومـ دـيـ حـارـسـاهـ منـ كلـ سـارـقـ لـحـسـنـاتـهـ فـلاـ يـنـالـ مـنـهاـ السـارـقـ الاـ عـلـىـ غـيرـةـ وـغـفـلةـ. عـارـفـ زـيـ النـاسـ
الـلـيـ هـمـ اللـهـ صـلـىـ اللـهـ عـلـيـهـ وـسـلـمـ الشـيـاطـيـنـ الـلـيـ بـتـطـلـعـ تـسـتـرـقـ السـمـعـ مـنـ السـمـاءـ فـيـقـومـ النـجـمـ يـجـريـ وـرـاهـ يـحـرقـهـ -
00:25:21

اـلـاـ منـ خـطـفـ الـخـطـفـةـ فـايـهـ فـاتـبـعـهـ شـهـابـ مـمـكـنـ يـخـطـفـ كـلـمـةـ الشـيـطـاـنـ فـنـفـسـ الشـيـءـ بـرـضـهـ مـمـكـنـ يـخـطـفـ مـنـكـ حـسـنـةـ
يـخـطـفـ مـنـكـ نـصـ حـسـنـةـ. يـخـطـفـ مـنـكـ رـبـ حـسـنـةـ. يـخـطـفـ مـنـكـ - 00:25:45

سـيـئـةـ صـغـيرـةـ مـعـصـيـةـ فـاـذاـ اـسـتـيقـظـ وـعـلـىـ طـوـلـ يـفـوقـ وـعـلـمـ مـاـ سـرـقـ مـنـهـ يـبـقـيـ عـارـفـ ايـهـ اللـيـ ضـاعـ اـسـتـنقـزـهـ مـنـ سـارـقـهـ. يـجـريـ وـرـاهـ
يـجـيـبـهـ مـنـهـ بـقـىـ اـسـتـنقـزـهـ مـنـ سـارـقـهـ اوـ حـصـلـ اـضـعـافـهـ بـكـسـبـهـ - 00:26:04

صـحـيـ لـقاـهـ اـتـسـرـقـ. ايـهـ دـهـ! اـنـاـ اـتـسـرـقـتـ يـلـحـقـ الـحـرـامـيـ يـجـيـبـهـ مـنـهـ. مـاـ لـحـقـشـ اـسـتـغـفـرـ اللـهـ اـسـتـغـفـرـ اللـهـ تـبـتـ الىـ اللـهـ لاـ اللـهـ الاـ
الـلـهـ يـتـصـدـقـ وـيـصـوـمـ الـيـوـمـ وـيـقـومـ الـلـيـلـ وـيـسـتـغـفـرـ وـيـتـوـبـ وـيـبـكـيـ الشـيـطـاـنـ يـنـدـمـ - 00:26:26
نـوـقـعـهـ فـيـ الغـلـطـ يـقـولـ ياـ رـيـتـنـيـ ماـ وـقـعـتـهـ يـتـمـنـيـ اـنـهـ مـاـ كـاـنـشـ يـوـقـعـهـ فـيـ الغـلـطـةـ دـيـ. لـاـنـهـ بـدـلـ الغـلـطـةـ دـيـ عـلـمـ لـهـ الـفـ حـسـنـةـ يـقـولـ فـازـاـ
اـسـتـيـقـزـ وـعـلـمـ مـاـ سـرـقـ مـنـهـ اـسـتـنقـزـهـ مـنـ سـارـقـهـ - 00:26:45

اوـ حـصـلـ اـضـعـافـهـ بـكـسـبـهـ فـهـوـ كـهـكـزاـ اـبـداـ مـعـ لـصـوصـ الـجـنـ وـالـاـنـسـ لـيـسـ كـمـنـ فـتـحـ لـهـ خـزـائـنـهـ وـوـلـىـ الـبـابـ ظـهـرـهـ اـمـاـ التـانـيـ فـنـحـ لـهـ
الـبـابـ وـادـاـهـمـ ضـهـرـهـ يـلـاـ اللـيـ عـاـيـزـ يـسـرـقـ يـسـرـقـ - 00:27:03

نـعـوذـ بـالـلـهـ مـنـ هـزـاـ. نـرـجـعـ لـاـصـلـ المـوـضـوـعـ بـقـىـ. يـقـولـ الشـيـخـ اـبـنـ اـبـيـ العـزـ الحـنـفـيـ فـيـ شـرـحـ الطـحاـوـيـ عـلـيـهـ رـحـمـةـ اللـهـ وـبـرـكـاتـهـ وـمـرـضـ
الـقـلـبـ نـوـعـانـ كـمـاـ تـقـدـمـ مـرـضـ شـهـوـةـ وـمـرـضـ شـبـهـةـ اـرـدـأـهـاـ مـرـضـ الشـبـهـةـ. وـارـدـأـ الشـبـهـ ماـ كـانـ مـنـ اـمـرـ الـقـدـرـ. وـقـدـ - 00:27:25
يـمـرـضـ الـقـلـبـ وـيـشـتـدـ مـرـضـهـ وـلـاـ يـشـعـرـ بـهـ صـاحـبـهـ لـاـشـتـفـالـهـ وـاـنـصـرـافـهـ عـنـ مـعـرـفـةـ صـحـتـهـ وـاـسـبـابـهـ. بـلـ قـدـ يـمـوتـ صـاحـبـهـ بـلـ قـدـ يـمـوتـ
الـقـلـبـ وـصـاحـبـهـ لـاـ يـشـعـرـ بـمـوـتـهـ. وـعـلـامـةـ ذـلـكـ اـنـهـ لـاـ تـؤـلمـهـ جـرـاحـاتـ الـقـبـائـحـ. وـلـاـ يـوـجـعـهـ جـهـلـهـ بـالـحـقـ - 00:27:45
عـقـائـدـ الـبـاطـلـةـ. نـكـتـفـيـ عـلـىـ هـذـاـ المـقـدـارـ وـنـسـتـكـمـلـ فـيـ الـمـرـةـ الـقـادـمـةـ. جـزاـكـمـ اللـهـ خـيـراـ. وـصـلـىـ اللـهـ وـسـلـمـ وـبـارـكـ عـلـىـ نـبـيـنـاـ مـحـمـدـ وـالـهـ.
وـالـحـمـدـ لـلـهـ رـبـ الـعـالـمـينـ - 00:28:05